

Faama'i Pipisi Mata'utia o le Streptococcus Vasega A (iGAS). Pepa o Faamatalaga mo i latou sa latalata i se tagata ma'i

O le iGAS o se faama'i mata'utia e mafua mai i se siama e ta'ua o le *Streptococcus Vasega A* (iGAS).

E mafai e lenei siama ona tupu ai se gasegase ogaoga pe afai e ulu i totonu o vaega o le tino e pei o le toto, maso, po o le ala fanau pe a uma ona fanau se pepe.

E vave tele ona ma'i tigaina le tagata i le iGAS ma o nisi taimi e ono maliu ai. E taua tele le vave ona saili o se fesoasoani tau le soifua maloloina.



Faailoga ma āuga – Mea e mafai ona e va'aia ma lagona

O āuga o le iGAS e aofia ai o le:

- maualuga o le fiva (e vevela le tino pe a pa'i i ai, gatete e le mafai ona taofiofi, e i luga atu o le 38°C le vevela)
- Tigā le ulu
- Lē lelei le mānava (le mafai ona mānava lelei) / ga'e
- Ogaoga le tigā o lima po o vae
- tigā le faa'i (faamolemole silasla i fautuaga i le itulau o lo'o sosoo mai)
- mūmū pe tigā le pa'u faataamilo i lavea ma manu'a (faamolemole silasila i fautuaga i le itulau o lo'o sosoo mai).



Sailia se fesoasoani faafoma'i

Afai e i ai ni ou āuga o le iGAS, po o se tasi o lo'o tou nonofo faatasi e faafuase'i ona ma'i tigaina, po o se lagona popole i le tulaga ua iai, faamolemole saili vave se fesoasoani faafoma'i. E sili ona taua lenei mea pe afai o oe po o le isi tagata sa latalata i se isi sa ma'i i le iGAS.

Vave fesoota'i lau foma'i faaleaiga po o se auunaga faalesoifua maloloina mo se fautuaga. E mafai fo'i ona e telefoni i le Healthline i le **0800 611 116** – i so'o se taimi 24/7 – mo fautuaga faalesoifua maloloina ma faamatalaga i le isi laasaga e fai. **I se tulaga faanatinati, telefoni le 111.**

Afai o le gagana Samoa lau gagana muamua, e iai faaliliu upu o loo avanoa i le Healthline. Afai e iai se mana'oga faapitoa, pe tutuli, lē lelei le faalogo, tauaso toe tutuli ma lē matala le tautala, faamolemole silasila i auunaga faapitoa o loo lisina i le pito i lalo o lenei pepa o faamatalaga.



Faapefea ona pepesi le iGAS

O le siama e mafua ai le iGAS e masani ona maua i le faa'i ma le pa'u. E mafai ona pepesi le siama i isi tagata pe a tale, mafatua, kisi pe latalata fo'i i le isi tagata. E mafai ona e tauaveina lenei siama e aunoa ma se āuga pe faalogoina le ma'i.



Tagata e sili atu le ono a'afia i le iGAS

E mafai ona a'afia so'o se tasi i le iGAS, ae e maualuga atu le avanoa pe a e latalata i se tasi ua maua i le iGAS, e pei o:

- tagata o le aiga po o ē o lo'o tou nonofo faatasi
- uō vavalalata po o paaga.

E to'atele tagata o ē sa latalata i se tasi ua maua i le iGAS e lē ma'i ai, ae e tāua pea le mātaitūina o āuga.



Fautuaga faapitoa mo matua ma pepe

Afai e maua i le iGAS se matua (lea ua fanau) poo le pepe i totonu o le 28 aso talu ona fanau, e ono mana'omia le togafitiga mo le matua po o le pepe e le'i a'afia i le iGAS, ina ia puipuia ai i latou mai le ma'i.

O le a fesoasoani le foma'i po o se tagata tausi soifua e sa'ili le fualaau talafeagai pe a mana'omia.



Puipuiga

E mafai ona e faaitiitia le avanoa e maua ai ma pasi atu le siama e mafua ai le iGAS i le:

- **fufulu mama o ou lima:** Faaaoga le fasi moli ma le suāvai, matua'i olo, ma faamago lelei ou lima.
- **ufiufi ou manu'a:** Faamāmā manu'a ma ufiufi i mea faapipii.
- **aua le fa'aogāina e le toatele mea e patino i le tagata lava ia:** E pei o solo, ipu inu, po o pulumu fulunifo – 'aua le feaveaia. Afai e tatau ona faaoga toatele, ia fufulu muamua i se vailaau tā lavalava.



O a mea e ao i tagata na tou felata'i ona fai?

Afai sa e latalata i se tagata ua maua i le iGAS, e mafai ona fai pea galuega masani uma, ae ia mātaitū āuga o le iGAS i totonu o lena 30 aso.

Afai e maua oe po o se tagata o lo'o tou nonofo faatasi i le faaī tigā i totonu o le 30 aso, aemaise lava pe afai o oe/po o latou:

- o oe po o le isi tagata o se Māori po o se tagata Pasefika e i le va o le 3 ma le 35 tausaga le matua
- e iai se tagata o le aiga po o se isi i totonu o lou fale na maua muamua i le fiva rumatika.

E tāua tele le vave faafeso'ota'i o lau foma'i po o le auaunaga tau soifua mal'olōina, tusa lava pe lei ni isi āuga. Ia ta'u i le foma'i na e latalata i se tagata na maua i le iGAS.

Afai e maua oe po o se isi i totonu o le aiga i se faama'i le pa'u i totonu o le 30 aso, e t'aua le vave faafeso'ota'i o le foma'i po o lau auauanaga faalesoifua mal'ol'oina. Ia ta'u i ai sa e latalata i se tagata ua maua i le iGAS.

Afai e te faalogoina ua e ma'i i totonu o le 30 aso, e t'aua le vave faafeso'ota'i o lau foma'i po o se auauanaga tau soifua mal'ol'oina. Ia ta'u i ai sa e faalatalata i se tagata na maua i le iGAS. E mafai fo'i ona e ave lenei pepa faamatalaga mo le foma'i e faitau ai.



Mo fautuaga MAUA FUA mo le soifua mal'ol'oina lautele ma faamatalaga

- Asiasi i le upega tafa'ilagi a le Health New Zealand | Te Whatu Ora healthnz.govt.nz/igas
- Telefoni le Healthline i le **0800 611 116** i so'o se taimi – 24 itula i le aso, 7 aso o le vaiaso 24/7 – mo fautuaga faalesoifua mal'ol'oina ma faamatalaga i le isi laasaga e fai. E mafai ona filifili e talanoa i se M'ori e iai le tomai faapitoa pe a telefoni i le va o le 8 i le taeao ma le 8 i le afiafi. E avanoa fo'i auauanaga faaliliu upu ma le fesoasoani a le NZ Relay.
- Mo i latou o lo'o nonofo po o asiasi i nu'u i tua, e mafai ona e faafesootai se foma'i i le taimi ua maea galuega e ala i le Ka Ora Telecare i le **0800 2 KA ORA (0800 252 672)** po o le upega tafa'ilagi kaora.co.nz. E avanoa lenei auauanaga i le va o le 5.00 i le afiafi ma le 8.30 i le taeao i aso faigaluega, ma 24 itula i faaiuga o vaiaso ma aso malolo o le atunuu.
- O auauanaga fua a le NZ Relay e mafai ona maua i le nzrelay.co.nz mo i latou e l'e mafai ona faalogo, faigata le faalogo, tauaso ma l'e mafai ona talanoa lelei.



Laina Fesoasoani o Tui Puipui mo Tagata e iai Manaoga Faapitoa

- O lo'o iai se laina fesoasoani faapitoa mo le lagolago i tagata e iai mana'oga faapitoa mai le Aso Gafua i le Aso Faraiile, i le va o le 8.00 i le taeao ma le 5.00 i le afiafi. Telefoni fua i le **0800 11 12 13** po o le text i le **8988** mo se fesoasoani ma faamatalaga. E mafai fo'i ona e asiasi i le healthpoint.co.nz/disability-helpline